

DISSESSATIO MEDICA
INAUGURALIS,
DE
DYSPEPSIA.

DISSERTATIO MEDICA

INAUGURALIS,

DE

DYSPEPSIA;

QUAM,

ANNUENTE SUMMO NUMINE,

Ex Auditoritate Reverendi admodum Viri,

D. GEORGII BAIRD, S.S.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu,

Et Nobilissimæ FACULTATIS MEDICÆ Decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

PIERCUS M'KEOGH,

HIBERNUS,

SOCIET. REG. MED. EDIN.—NEC NON SOCIET. REG. PHYSIC. SOC.,

ET

SOC. MED. OLIM HIBERN. SOC. ORDIN.

“Sir! all your endeavours are in vain. I feel that I shall surely die
“of this complaint.”

CRICHTON on Mental Derangement, vol. I. p. 396.

Ad diem 12 Septembris, hora locoque solitis.

EDINBURGI:

EXCUDEBAT GULIELMUS CREECH, ACADEMIÆ TYPOGRAPHUS.

1800.



JACOBO GREGORY, M. D.

MEDICINÆ PRACTICÆ, IN ACADEMIA EDINENSI,

PROFESSORI,

VIRO

INGENII ACUMINE,

MORUM INTEGRITATE,

AC

SCIENTIA OMNIGENA,

REVERA CONSPICUO,


HANC DISSERTATIONEM,

Summâ cum obſervantiâ,

D. D. CQUE

A U C T O R:

NECNON



Digitized by the Internet Archive
in 2020 with funding from
Wellcome Library

<https://archive.org/details/b31966901>



NECNON

NICHOLAO ARCHER, M. D.

DE NENAGH,

IN COMITATU TIPPERARIENSI,

MEDICO PERITISSIMO PROSPERRIMOQUE,

VIRTUTE ET ERUDITIONE PARITER INSIGNI;

CUM OB CONSILIA ET PRÆCEPTA,

TUM OB AMICITIAM,

QUA ILLUM NUNQUAM NON DIGNATUS EST,

HOC OPUSCULUM,

GRATI ANIMI TESTIMONIUM,

SACRUM VULT

A U C T O R.

D I S S E R T A T I O M E D I C A

I N V A G U R A T I O N E

— 10 —

E R R A T A.

Pag. 1. lin. 3. *pro* primarum *lege* primarium
— 3. — 12. — presertim — præfertim 19
— 22. — 1. — abducta, — obducta,

A U T O R.

Hilario Melchiorre e Lanza, Medico di

DISSERTATIO MEDICA

INAUGURALIS,

DE

DYSPEPSIA.

PIERCIO M'KEOGH, AUCTORE.

PROPTER nexum adeo mirabilem, qui ventriculum inter et universum corpus intercedit, primarum consensus organum meritò habetur. Et hoc non inepte factum, attentio vel levissima ad morbidas, quibus objicitur corpus humanum mutationes, satis superteque demonstrat.

Historia medicinæ e temporibus etiam antiquissimis, innumera protulit documenta, qui-

A bus,

bus, commoda, ex attentione huic consensui habitâ, oriunda clare elucescant ; et sane, munere, quo fungitur ventriculus, bene perspecto, nemini mirum erit affectiones hujus organi varias, facile cum toto corpore communicari. Talem consensum, organum inter concoctioni cibi dicatum et reliquas corporis partes, suis, et his haud levis momenti usibus inservire, imprimis perspicuum est.

Morborum quibus patet ventriculus, alii, qui eum primario afficiunt, idiopathici ; dum alii, per consensum hoc organum inter et alias partes, oriundi, symptomatici merito habentur ; de his non hic locus dicendi. Ex illis dyspepsiam, tam ob frequentiam, quam ob molestissima quæ nonnunquam inducit mala, argumentum hujuscce opusculi selegi.

Hanc morbi definitionem tradidit CULLENUS jure cel. : “ Anorexia, nausea, vomitus, “ inflatio, ructus, ruminatio, cardialgia, ga-
“ strodynia,

“ strodynia, pauciora sicutem vel plura ho-
 “ rum simul concurrentia, plerumque cum
 “ alvo adiutoria, et sine alio vel ventriculi ip-
 “ sius, vel aliarum partium, morbo *.”

Dyspepsia omni temperamento, et sexui
 communis existit.

Symptomata, nullo definito ordine sese
 ostendunt. In diversis ægris serie admodum
 varia semet invicem excipiunt; nec ullus ordo
 excogitari potest, qui, præ aliis, praxi infer-
 viat. Tantum revera natura causæ occasio-
 nalis, habitu corporis, et presertim statu
 mentis, afficiuntur symptomata, ut morbus,
 proteo mutabilior, sixis legibus suos percur-
 rere gradus omnino recusat.

Signa tamen, ut supra tradita, quantum li-
 mites, quibus definitio circumscribi debet, si-

A 2

nant,

* Vid. Cul. Synop. Nosol. Method. tom. II. cl. 2. ord. 2.
 gen. 45.

nant, nihil cui objici potest, me judice habent.

Æger, imprimis, de sensu ponderis, et ventriculo moleste distento, conqueritur; dolor circa præcordia obtusus sentitur; ructus varii generis ingrati, nausea sæpe ad vomitum usque, fastidium cibi nunc accedunt; hoc symptomā si diutius perstet, alia mala haud levia inducit; et corpus, defectu nutrimenti, gradatim exhaustum, lenta denique macie conficitur. Est quando autem appetentia cibi præter modum intenditur, et æger, pro aspectu lugubri, depresso, qui sæpe hunc morbum comitatur, vultum hilarem, curis vacuum, male querelis congruentem, exhibet.

Aliquando appetitus depravatur, et desiderio rerum non esculentarum tenetur ægrotans.

Inflatio

Inflatio ventriculi molesta saepe aderit, que, flatu sufficien^t erupente, plerumque levatur; simul quoque, cum aëre extricato, cibus ipse, more ruminantium animalium, ad os surgit.

Dolor acerbus, acutus, urens, præfertim in provectione morbi stadio, circa regionem epigastricam, plerumque incommodum huius leve ægro facessit; per intervalla reddit, sicutique iterum decedit, et saepe ita loco fixus est, ut partem, qua dolor insidet, digito accurate monstrare queat æger. Alvus fere adstricta manet, nunc autem solito liquidior fluit; lingua muco tenaci obducta; fitis urgens, præfertim auroram versus; cutis arida, frigus artuum inferiorum; oculi squalidi, hebescentes; vultus depresso, languidus; saepissime se comites dyspepsiae adjungunt.

Sæpe de vertagine, visus hebetudine, tinnitus aurium, dolore capitis, ut plurimum transversim

transversim frontem lacinante, conqueritur
æger.

Ex statu pulsus nihil certi cogi potest, nisi
forsan ex eo medicus judicium aliquod ferre
potest, an innumera quibus ægri credunt se
obsideri mala, ficta sunt; et imaginationi
malis semper inherenti, debeantur. In nullo
alio morbo, nexus arctissimus quo mens, et
corpus, sibi invicem conjunguntur, auxilium-
que vicissim præbent, clarius sese ostendit.

De hoc commercio medicus et metaphysi-
cus haud parvi nominis agens, sequentem
protulit sententiam: “The mind and body
“ are so intimately connected, and have such
“ an influence upon one another, that the
“ constitution of either, examined apart, can
“ never be thoroughly understood*.”

Dyspepsia

* Vide Gregory's Comparative View of the State and Fa-
culties of Man with those of the Animal World.

Dyspepsia laborantes multa mala sape sibi fingunt, quæ revera non existunt; neque ullus datur morbus, quin eo plectuntur, si queremoniis importunis ulla sit fides. Adeo enim mens laetificatur morbo, ut ægri, melius semper inhibentes, pessima quaque ominantes, et animos contra medicinam sape perturbiter obfirmantes, triditie se totos dent.

Malo ingravescente, somnus vel omnino effugit, vel quies parum recreans diris infestis ægrum turbat. Signa morbo pedetentim in pejus ruente, quotidie graviora sunt, corpus languet, motus etiam lenissimus exhaustit; tandem hydrops, præsertim artuum inferiorum, febris heclica, diarrhœa, et alia prænuncia haud ambigua mortis supervenient.

Terminationes autem hujus morbi supra traditæ, raro sese ostendunt; frequentius multo dyspepsia, modo medicina apte pareatur, et æger preceptis obtemperet, in salutem

tem cedit. Haud raro in longum tempus, etiam per annos integros, multum molestiæ gignens perstat.

Omnia signa jam memorata, ut cel. CULLENUS recte monuit, in eodem ægro raro, si unquam fese ostendunt; si plura eodem tempore appareant, dyspepsiam adesse optimo jure colligitur.

Antequam symptomatum molestiorum, quibus in decursu morbi plectitur ægrotans, rationem reddere aggrediar, non a re foret pauca, quæ, sana alimentorum concoctione, peraguntur, quam breviter perstrinxisse: omnia hîc perpendere, quæ de hac nobilissima functione jam detecta sunt, me a proposito toto cœlo deflecteret. Cibus ore contritus, cum saliva probe commixtus, œsophago traditur, vi ejus musculari ad ventriculum deferendus; ibi per aliquod tempus detinetur, actioni succi gastrici subjicitur, qui, vi solvente haud ambigua pollens,

pollens, cum in massam mollem, fluidam, reducit; aliquantulum fermentationis quoque subesse, probabile est.

“Anorexia.” Quoniam appetentia cibi e statu succi gastrici pendet, hoc aliquo vitio peccante, anorexiā inde subsequetur haud mirum erit; cause præterea quotquot vim ventriculi muscularē infirmant, anorexiā originem præbeant.

“Nausea, vomitus.” Hac symptomata, gradu forsan solum discrepantia, e motu ventriculi et œsophagi inverso oriri videntur. Causæ, quibus excitari queant, et si variæ admodum, ad duo capita haud inepte referuntur: scilicet, quæ in ventriculum directe agunt; et quæ alias partes primum afficiunt, ventriculumque, per consensum quem egressum habet, in mali confortium rapiunt.

Ut illæ effectus suos edant, intellectu nō qui-

10 DISSSERTATIO MEDICA,

quam difficile est; quomodo autem hæ ventriculum morbi participem faciant, enodari haud facile potest; hoc tamen ad consensum quem ventriculus cum aliis partibus habet, referri solet.

“Inflatio.” Si nobiscum reputemus quam apta sit massa e carne frugibusque conflat, saliva commista, calori corporis subiecta, humore diluta, aëri inter deglutiendum assumpto denique exposita, ut in fermentationem ruat, concoctionem cibi huic tribui nemini mirum erit; nunc autem constat succum gastricum fermentationi omnino adversari, etsi ad tam proclivitatem superandam non semper valeat; præfertim in dyspepsia ubi cibus ut plurimum diutius solito in ventriculo male affecto detinetur, succus gastricus vitio forsan peccans ad proclivitatem hujusmodi temperandam omnino impar existit.

“Eructatio,” ex aëre fermentatione extricato, sursum erumpente, deducenda est.

“Ruminatio:”

“Ruminatio:” Pars fluidior cibi aëre commista ad cardiam ascendens, eam irritat, ad motum inversum ciet, et ita huic symptomati originem forsan præbet.

“Cardialgia,” est dolor acutus, pungens, circa cardiam rodens; e materia acri, concoctione male sana genita, oriri videtur; vel ut alii volunt, succo gallico acri facto, cardiam irritanti, releganda est. Et sane, quid obstat quo minus credamus cardiam in dyspepsia sensum magis acutum adipisci, quo sit ut stimuli, qui, persistente sanitate, nil mali concitarent, nunc haud parum molestie faceant?

“Gastrodynia,” ut Hoffmanno visum est, e spasmo, vel ventriculi atonia pendet. Hocce symtoma sensu caloris nequaquam comitatur, secus ac in cardialgia accedit. Spasmi (ut bene monuit clar. RUTHERFORD) sepe non totum ventriculum corripiunt, sed in quibusdam tantum partibus eum

afficiunt; ubi cibus spasmo compressus, sursum pellitur *.

“Alvus adstricta.” Hæc torpori a ventriculo intestinis, propter nexus arctissimum quo hæ partes conjunguntur, communicato, referri potest; ad hoc quoque accedit quod in statu ventriculi dyspepsia inducto, cibi diutius solito in eo retinentur, quod ad hoc symptomum gignendum haud parum conferat.

“Diarrhœa,” et si nequaquam semper in dyspepsia adest, aliquando autem infestat; e cibo remorâ acrimoniam fibimet nocte, intestina subinde ad motum auctum ciente, forsan pendet.

Nunc symptomatum, quæ maxime attentionem merentur, ratione redditâ, proxime agendum est, de

CAUSIS

* In Prælect. Clin. ann. 1800.

CAUSIS REMOTIS,

Quæ fine

----- “Adeo sunt multa loquacem
“ Deludere valent Fabium.”

Omnes tamen haud inepte ad duo capita rediguntur: scilicet quæ in ventriculum recte agunt, et quæ eum per consensum afficiunt.

PRIORIS GENERIS SUNT:

1. Abusus sedantium, qualia sunt thea, coffea, liquores spirituosi, nicotiana, opium, acescentia.
2. Liquores justo calidiores nimis frequenter assumpti.
3. Cibi nimia ingurgitatio.
4. Vomitus frequens, vel arte concitatus, vel sponte suboriens.
5. Saliva copiosius exputa.

Quæ

QUÆ AD POSTERIUS PERTINENT SUNT:

VITA sedentaria; pathemata mentis; studium nimis intensum; venus immodica; aër frigidus, humidus, corpori præsertim otio languenti, admotus.

In his causis enumerandis ordinem CULLENI, utpote optimum secutus sum, cui forsan nihil ullius momenti objici potest. An autem acescentia inter sedantia recte annumerentur necne, judicent peritiores.

Rationem reddere modi quo omnes hæ causæ labem ventriculo inferant, limites hujusmodi dissertationis longe excederet; actio quarundam admodum obscura est; pauca igitur de modo quo agunt dicenda sunt.

“Thea; coffea.” Experimenta Doctoris
Smith

Smith * satis luculentè probârunt infusum
theæ fortioriæ vi haud exigua sedante pollere.
Dr Lettsomm † eandem opinionem confirmat.
Effectus quoque, quos cel. CULLENUS narrat
se ex usu theæ percepisse, haud ambigue de-
monstrant eam vi narcotica præeditam esse.
Hæc sunt verba: “ I have a stomach very sen-
“ sible, which I have found to be hurt by
“ tea, which I attributed to the warm water;
“ but having used some indigenous plants, I
“ found no harm ensue; and this I have re-
“ peated above fifty times ‡.” Videtur quo-
que theam vi quadam astringente pollere.

Quidam perhibent coffeam vim astringentem
et antilepticam habere, dum alii contendunt
eam effectus sedantes edere; utcunque hæc se
habeant, pauci negant, quin coffeea immodice
assumpta, ad dyspepsiam inducendam par sit.

Dum

* De Actione Musculari.

† Lettsomm's History of the Tea-plant.

‡ Vide Cullen's Materia Medica.

Dum hæ dotes theæ, et coffeæ facile forsani concedantur, effectus aquæ calidæ cum iis affatim assumptæ, non sane despiciendi sunt; vis solvens, infirmans, qua liquores nimis calidi pollent, notissima est.

“ Liquores spirituosi,” quorum abusus malis fere innumeris originem præbet, hîc optimo jure recensentur; hi corpus primum efficacissime stimulant, excitant, gratamque ægろ hilaritatem conciliant, brevi duraturam, in contrarium omnino tandem desitoram; debilitas quoque et languor insignis, stimulo prægresso pro rata parte respondentes, brevi superveniunt, eundemque stimulum iterum deposit, auctis dosibus subinde repetendum; tandem

----- “The subtile draught

“ Faster and sooner swells the vital tide,

“ And, with more active poison than the floods

“ Of grosser crudity convey, pervades

“ The far remote meanders of our frame.

“ Ah! fly deceiver! branded o'er and o'er,

“ Yet still believ'd! exulting o'er the wreck

“ Of sober vows*!”

Opium

* Armstrong's Art of Preserving Health.

Opium eandem vim ventriculum debilitandi, solvendi habere satis lucidè patet.

Hæ cause, quæ alias partes primum afficiunt, vel in universum corpus agunt, debilitatem generalem inducunt, cuius ventriculus brevi sit particeps.

Ex supra dictis liceat affirmare atoniam fibrarum muscularium ventriculi, vel succi gastrici vitium, dyspepsiae Causam Proximam habendam esse.

DIAGNOSIS. In dyspepsia admodum necessaria. Hysteria et Hypochondriasis ii existunt morbi, quibus confundi præsertim periclitatur.

Hysteria ut plurimum repente invadit, fæminis forsan propria est, globus adest, et magna urinæ limpidæ profusio paroxysmum plerumque præcedit, mens quoque alterno fletu et

risu ludibrio est, quæ omnia in dyspepsia nunquam eveniunt.

Inter dyspepsiam et hypochondriasis diagnosin stabilire multis in casibus perdifficile est; huic enim haud raro illius symptomata conjuguntur, et vice versa. CULLENUS autem opinatur hypochondriasi symptomata dyspeptica semper minus violenta esse, imo aliquando deesse, dum timiditas immodica, moeror, languor, mali suspicio, semper plusminusve adsunt; dyspepsiâ vero symptomata ei propria magis fatigare, dum timiditas, tristitia, &c. aliquando defunt, aliterque quam comites adventitii estimari non debent. Anne fides observationi auctorum, nempe: Dyspepsiam plerumque temperamentum sanguineum, hypochondriasis vero melancholicum adoriri, nec né? judicent peritiores. Praxis hodierna tamen discrimen hocce parvi pendet, quoniam utrisque morbis sanandis remedia fere semper eadem sunt.

Quidam

Quidam chlorosin a dyspepsia secernere necessarium duxerunt; mensibus autem deficien-
tibus prior clare innoteſcit.

Podagri atonica derepente impetum acerri-
mum facit; hoc igitur et prægressis ægri ma-
lis a dyspepsia dignoscenda est.

Quando signa dyspepsiae schirro pylori su-
perveniunt, dolor magis fixus, pungens urget,
pressu, vel si in latus dextrum decumbat æger,
ingravescit; ingesta quoque paucis post pastum
horis sæpe rejiciuntur.

“PROGNOSIS” ætate ægri, vehementia et dura-
tione symptomatum, causisque quibus inducun-
tur sedulo perpensis, stabienda est; quo junior
ægrotans, quo brevior duratio et leviora signa,
eo facilius in salutem cedit morbus. Dyspep-
sia ipsa raro lethalis, aliis tamen, et quidem
gravissimis morbis, hydropi, febri hecticæ, &c.
haud raro originem præbet.

RATIO MEDENDI.

MEDENDI confilia ad tria apte referri possunt, nempe,

1. Causas remotas evitare.
2. Symptomata molesta quæ urgent levare.
3. Tonum ventriculi restituere.

Quod ad primum attinet; *causæ remotæ*, (qualescunque hæ fuerint, si agere possent), *quam primum removendæ sunt*. Hoc utcunque simplex primo aspectu appareat, suis difficultatibus non semper caret.

Ægrum admonere de causis, quibus inducitur morbus, raro opus gratum aut facile est, quippe se, ut credit, sæpe impune his causis obtulit; obstat quoque vitæ genus parum idoneum,

neum, prava consuetudine confirmatum, obstant voluptates ipso saepe in cibo peiores. Hinc præceptis adeo ingratis obtemperare non facile adducuntur; pravæ igitur consuetudines non subito ex toto abrumpendæ sunt, sed gradatim imminuendæ, et hoc modo voluptates maxime dilectas tandem appetere desinunt.

2. *Symptomata molista levanda sunt*; non solum priuæ origini mali, quando fieri potest, strenue occurrentum est, sed symptomata, quæ saepe haud parum molestiæ faciunt, sedulo mitiganda sunt, quorum sequentia maxime attentionem sibi vindicant.

“Anorexia, nausea, vomitus.” Hæc, ut alibi jam dictum est, varias agnoscunt causas; remedia igitur pro diversitate causarum varient oportet. Si, ut plerumque evenit, ex cibo crudo male concocto ventriculum gravante, irritante,

procedant, si lingua sit sordida, muco abducta,
si fitis et dolor capitis urgeant, ad emetica leniora confugiendum est. Ipecacuanha, vel
chamæmeli florū infusio quam optime his
symptomatibus levandis inferviunt; quoniam
autem vomitus nimis frequens inter causas
dyspepsiae remotas recte accenseatur, semper
cavendum est ne vomitum nimis saepē cien-
do ventriculus magis adhuc infirmetur. Si
quando vomitus graviter urgeat, haud fa-
cile compescendus, haustus salini effervescentes
et enemata anodyna optatos saepē præstant
effectus; aliquando materiam acrem stagnan-
tem, deorsum purgare convenit; tunc rheum,
vel aloes, adhibenda sunt. De forma qua op-
time assimi possunt, saepē ambigitur; si forma
solida, nil grati adjecto, assumentur naufragia
excitent, brevi forsan iterum rejicienda. Re-
media semper autem forma minime ingra-
ta ægro propinanda sunt; mala autem, quæ
e liquoribus spirituosis, vel aromatibus nimis

libere

libere adjectis, proveniunt, non contemnenda sunt.

Professor olim in hac Academia dignissimus serio filium admonuit ne liquores spirituosos dyspepticis et præsertim sexui molliori, concederet. Hi igitur dyspepsia laborantibus, si omnino, parcissime saltem permittendi sunt.

Si quando nausea et vomitus ex exhalatione per cutem, defectu exercitationis suppressa, oriantur; hac restituta, illi summoveantur.

“ Cardialgia.” Quoniam hanc affectionem molestam ex acido nimis abundante ori supra posuimus, ei igitur recte antacidis et absorbentibus, scilicet, ammonia, creta, magnesia usta, occurritur.

“ Gastrodynia,” si e spasmo pendeat, anti-spasmodica præ omnibus convenient, et hæc sane :

fane: opium, æther, affafœtida, &c. remedia efficacissima merito habentur.

“Alvus adstricta.” E nexus admodum arcato, quo ventriculus et intestina conjunguntur, illo male affecto, si hæc in consensum rapiantur, causa in promptu est. Levatio hujus symptomatis, si ventriculus admodum lædatur, per clysmata emollientia molienda est; si autem stomachus ferat, laxantia leniora, ut magnesia, rheum, separatim, vel conjuncta antiponenda sunt.

Alia symptomata non ita urgent, ut aliquid fibi proprium postulent.

“Inflatio” autem quæ sæpe moleste adest, carminativis et cardiacis, lenienda est; olea stillititia menthæ piperitidis, nucis moschatæ, anisi, similiaque optime conveniunt. Prava autem consuetudo ad aliquid grata stimulans, propter levissimam molestiam, semper configiendi, non

nimirum

nimis reprobari potest. Hinc liquorum spirituorum abusus perditissimus, quotidie ingravescens, tandem labem gravissimam ventriculo et toti corpori allaturus.

Hic obiter observandum est, remedia quæ adversus unum symptoma valent, aliis quoque sæpe efficaciter opitulari; hujus generis est *magnesia*, quæ non solum acori fortiter oppugnat, sed cum eo salem laxantem generat, alvumque compressam solvit. Eodem modo medicamenta ex *albe* non solum alvum laxant, sed etiam ventriculum roborant.

Si diarrhœa cum acore conjuncta sit, creta utrisque felicitè occurrit; salem astringentem cum acido ventriculi format, quo diarrhœa feliciter sæpe subvenitur.

Proximum consilium est *tonum ventriculi restituere.*

D

Ad

Ad hoc etiam ab initio respiciendum est: et semper cavendum ne remedia ad signa levanda adhibita, huic obstent. Parum enim proficitur, si non causis, unde profluxerunt symptomata, sedulo occurratur. Remedia quæ huic consilio conveniunt, satis apte ad duo genera referuntur: scilicet ad ea quæ effectus suos in ventriculum direcťe exercent; et ea, quæ, totum corpus corroborando, tonum ei quoque impertiunt.

Ad primum genus pertinent roborantia et stimulantia. Quod ad roborantia attinet: h̄ic notari debet, ea, si nimis diu adhibita fuerint, effectus solitos non præstare, sed pro roborante, qua modice assumpta pollent, vim infirmandem haud dubie ostendunt. An hoc vi narcoticæ, ut CULLENO persuasum est, tribendum sit, an alii et adhuc prorsus ignotæ causæ referendum, statuere non meum est.

Inter roborantia, “amara,” ut gentiana, columba, quassia, flores chamæmeli, optimo merito

incerto habentur. Cinchona quoque huic usui
quam optimè inservit. Aquæ ferratæ multum
laudatae fuerunt; sed, Professore Chemia
in hac alma Academia, in prælectionibus
suis eximis monente, propria quoque expe-
rientialia suadente, adducor ut credam e fer-
ro arte præparata hanc minus valere, etiam
in multis casibus meliores effectus præstare.
Horum quoque, prout res postulet, vires in-
tendi imminuive queant; neque sane boni ef-
fectus, qui ex aquis mineralibus proveniunt,
ferro, quod sœpe quantitate admodum parca
continent, omnino tribuendi sunt; juvet grata
mentis occupatio, juvent quoque alacritas ani-
mi, jucundum vitæ genus, et spes meliorum,
quæ itinera hujusmodi facientibus plerumque
contingunt. Stimulantia varii generis in usum
revocata fuerunt; et si tamen symptomata ad
tempus mitigent, ad morbum radicitus tollen-
dum parum accommodata existunt. Stimulus,
quem corpori dant, fugax est, et si diutius usur-
pata fuerunt, pro robore debilitatem certissime

D 2 comparabunt.

comparabunt. Eminent quoque inter causas morbi remotas, quod sane usum eorum in dyspepsia plane prohibet.

E salibus neutris, si adfit torpor ventriculi et intestinorum, aliquid boni forsan sperandum est.

Ad remedia, quæ, universum corpus roborando, malo ventriculi occurrunt, tandem perventum est. Hujusmodi sunt exercitatio, frigus ritè adhibitum, regimen idoneum.

De his paulo fusius agere forsan non abs reforet; virtutes eximias quibus pollent nemo non facile agnoscet; non magis propter simplicitatem, quam vim, qua in morbis, præser-tim chronicis, debellandis, prædita sunt, laudari merenter.

Quicunque sane innumera fere commoda, quæ, ex exercitio idoneo sub pleno jove, et e vitæ genere temperato, profluunt; quicunque vim

vim quam menti, firmitatem quam corpori conciliant, expertus est, probe sentiet, quin strenue dytpepticis suadenda sint ; neque minora commoda e vestitu idoneo saltem in hac regione mutabili, proveniunt.

Nil exercitatione præstantius est ad vires morbo fractas resiciendas : “ Omnis exercitatio
“ atque gestatio, sub pleno jove, et in aëre
“ puro, et sicco, et frigidulo, fieri debet. Bo-
“ nus enim aër ipse inter efficacissima roboran-
“ tia remedia jure habetur *.” Exercitatio præsertim laudatur, si exhalatio per cutem deficiat ; sanguinis circuitum æqualiter per totum corpus promovet. In ambulatione, quia tunc artus inferiores maxime exercentur, sanguis per eas partes liberius movetur ; et igitur præsertim utenda est cum artus torpescunt, vel frigescunt. Quando propter debilitatem ad gestationem configiendum est (nam ambulatio si modo æger ad eam valcat, semper anteponenda)

* Conspect. Med. Theor. tom. II. sect. 1117.

teponenda) equitatio præ gestatione in curru usurpari debet. In omni enim exercitatione, quo plures musculi ad actionem cierunt, eo meliores præstat effectus; et quod non levius momenti est, æger in equitatione liberius aëri objicitur: “Purus præterea aëris corpus “reficit atque refrigerat, vires fortasse multum “labefactas confirmat, cibi appetitum et con-“coctionem juvat *.” Huxhamus affirmat equitationem ad morbos viscerum abdominalium sanandos præstantissimum esse remedium †.

Quidam navigationem multum laudarunt, utpote dyspepticis optime accommodatam; aliis autem gestationis modis certe cedit; et igitur, fere semper iis posthabenda est. In exercitatione omnigena, hoc in animo semper tenendum est, eam maximo cum beneficio adhiberi, cum non solum corpus probe exerceat, sed mentem

* Conspect. Med. Theor. tom. II. sect. 1038.

† Huxham. Opusc. de morbo Colico Damnoniorum, p. 33.

nientem quoque grātē detineat. Hinc venātū et aucupii amor ægriū a solitis curis, quæ malum sæpe multum augeant, clam subducit. Commodo ex hoc oriundi exemplum protulit CULLENUS; sic enim habet: "In one instance, " a person who had found no relief from ta- " king exercise in a chariot, was much bene- " fited by being put into a single-horse chaise, " which required some attention from him to " guide it *." Hoc forsū fundamento, saltem ex parte, mutationis cœli, et aquarum medi- cinalium nititur virtus tantum jaclata. Dum animus negotiis infixus morbum sæpe haud parum intendit, mala haud leviora e desidia et laboris lenis evitacione proveniunt; grātē et leviter detinendus est animus, non otio lan- guenti tradendus, ut cum Cancellario King, " Labor ipse voluptas," exclamet ægrotans:

" He chooses best, whose labour entertains
" His vacant fancy most; the toil you hate,
" Fatigues you soon, and scarce improves your limbs †."

Quod

* Cullen's Clinical Lectures, p. 81.

† Armstrong's Art of Preserving Health.

Quod ad diætam attinet levis esse debet, minime aceſcens, et concoctu facilis, parva quantitate ſingulis vicibus affumi debet; hoc modo, ne æger ventriculum nocivo onere gravet, melius præcavetur. Cibi leviores, ut caro agnina, vel vervecina vel jufcula ex iis confecta, melius conveniunt; carnes quoque avium ſæpe gratæ fūnt, et tuto concedantur. Hæ ſimpliciter affæ vel elixæ, quam illecebris coquinariæ corruptæ potius concedendæ fūnt; oleofa, fumis, ſale, vel aromatibus condita ſemper deneganda fūnt. Vegetabilia utpote ad fermentescendum procliviora et inflationem ventriculi ſæpe crientia, parce omnino affumi debent.

Pro potu aqua omnibus aliis palmam facile præripit. Natura enim hic, ut in aliis sponte fuggerit, quod humana induſtria ſuperare fruſtra aggressa eſt. Plerumque autem aliquid meracius conuenit; et aliquantulum vini tenuioris, vel etiam ſpiritus diſtillati, cum aqua probe

probe dilutum, caute concedi possit. Liquores omnes fermentati evitandi sunt. Vestitus dyspepticorum attentionem haud levem vindicat. Talis esse debet, qui ad superficiem corporis sanguinem libere promoveat, exhalationemque per cutem rite sustineat.

In hac regione mutabili praesidium sanitatis in idoneis vestimentis saepe positum est; ad ea quae calorem optime retinent, claro Rumford viam monstrante, dirigimur. " Nulla (enim) res sanitati magis detrimentum affert, quam subita aëris, præsertim calidi in frigidum, et frigidi in calidum, mutatio *." Vestimenta lanea, præsertim indusium laneum, optimos saepe edunt effectus; non solum humorum e corpore exhalatum absorbet, sed calorem fere equalem servat. Van Swietenii observatio huc quoque spectat. En verba! " Si nudum corpus tangant vestes laneæ, ab omni corporis motu frictionis species excitatur, quæ

E " insigniter

* Hoffmannus.

“ insigniter prodest.” Quidam usui lanei adversantur, propter malos effectus, quos, ex eo æstate exuto, oriri credunt; forsan regula Boerhaavii strictius solito observanda est, qua monet, ut ad medium æstivum deponantur, proximo die iterum induendæ vestitus hiemales. Rumford, cel. de hoc differens dixit : “ It is a mistaken notion, that flannel is too warm a cloathing for summer. I have worn it in the hottest climates, and in all seasons of the year, and never found the least inconvenience from it. It is the warm-bath of a perspiration, confined by a linen shirt, wet with sweat, which renders the summer-heats of southern latitudes so insupportable, but flannel promotes and favours its evaporation *.”

Si aliquid boni e medicamentis sperandum est, vitæ genus idoneum, intemperantiæ nequaquam deditum, adjuvet oportet; fin minus,

* Philos. Transf. vol. LXXVII.

minus, remedia etiam efficacissima parum va-
lebunt: "Sensuality and intemperance sub-
ject men to diseases, pain, shame, deformity,
filthiness, and anxiety; whereas, tempe-
rance is attended with ease of body, free-
dom of spirits, the capacity of being pleased
with objects of pleasure, good opinion of
others, perfection of faculties bodily and
mental, long life, plenty *," &c.

"'Tis to thy rules, O Temperance! we owe
All pleasure which from health or strength can flow,
Vigour of body, purity of mind,
Unclouded reason, sentiment refin'd."

Pro remedio roborante balneum frigidum diu
et merito laudatum fuit. Et sane dyspepticis,
præsertim propter consensum superficiem cor-
poris inter et ventriculum, remedium paratis-
fimum jure habetur; mentem hilarem reddit,
cutem laxat, tonum musculis, vigorem toti
corpori conciliat.

* Priestley on Hartley's Theory, prop. xliv. p. 233.



FINIS.

